



REPUBLIKA E KOSOVËS
REPUBLIC OF KOSOVO
REPUBLIKA KOSOVO

KOMUNA E KLINËS
MUNICIPALITY OF KLINA
OPŠTINA KLINA



www.komuna-kline.org

Kuvendi i Komunës Klinë

Komiteti për Politikë dhe Financa

01Nr 06-M453 /25

Klinë, dt: 22.09 /25

PROCESVERBAL

Nga mbledhja e tretë e rregullt e Komitetit për Politikë dhe Financa, mbajtur, më 07.03.2025, me fillim nga ora 09:00 në sallën e Kuvendit të Komunës.

Mbledhjen e hapi zv. Kryesuesi, Tunë Deda, i cili përshëndeti drejtorët e drejtorive, anëtarët e Komitetit për Politikë dhe Financa, OSBE-në, Policinë e Kosovës dhe gjithë të pranishmit. Përveç pikave të parapara në rendin e ditës, Komiteti shqyrtoi edhe propozim-vendimin e Drejtorisë për Urbanizëm dhe Mbrojtje të Mjedisit për shqyrtimin dhe miratimin e raportit të monitorimit të HZK-së 2020-2028.

Zv. Kryesuesi prezantoi rendin e ditës:

1. Arsyetimi i mungesave;
2. Shqyrtimi dhe miratimi i procesverbalit nga mbledhja e kaluar;
3. Shqyrtimi i raportit nga procesi i organizimit të konsultimit publik për Rregulloren për Transparencë të Komunës së Klinës dhe Planit i Veprimit për Transparencë Komunale 2025-2029 (ref. nga grupi punues);
4. Shqyrtimi i Planit të Veprimit për Transparencë 2025-2029 (ref. nga grupi punues);
5. Shqyrtimi i Draft-Rregullores për Transparencë të Komunës së Klinës (ref, nga grupi punues);
6. Shqyrtimi i kërkesave të arritura për Komitetin për Politikë dhe Financa për muajt shkurt-mars 2025;
7. Të ndryshme.

Tunë Deda: Po hap debat rreth rendit të ditës. A ka dikush vërejtje për rendin e ditës?

Me 6 vota PËR, u miratua rendi i ditës.

Pika 1. Arsyetimi i mungesave.

Tunë Deda: Jemi të gjithë të pranishëm, përveç kryesuesit, i cili pritet t'i bashkëngjitet mbledhjes.

Pika 2. Shqyrtimi dhe miratimi i procesverbalit nga mbledhja e kaluar.

Tunë Deda: Kush është për procesverbalin e seancës së kaluar?

Me 6 vota PËR, u miratua procesverbali nga mbledhja e kaluar.

Pika 3. Shqyrtimi i raportit nga procesi i organizimit të konsultimit publik për rregulloren për transparencë të Komunës së Klinës dhe plani i veprimit për transparencë komunale 2025-2029 (ref. nga grupi punues).

Vlora Tafili, zyrtare për Informim: Mirëmëngjesi të gjithëve! Nuk isha ndal shumë gjatë, për shkak që materiali ju është dorëzuar me kohë dhe raporti nga procesi i ka vetëm disa pika pak më të rëndësishme, e që është bazuar në Udhëzimin Administrativ për Komunitet e hapura. Kryetari i komunës me kohë ka nxjerrë vendimin për grupin punues që i harton këto dokumente edhe që është marr me pjesën e konsultimit publik. Ky dokument ka qenë pjesë e planifikimit të konsultimeve për vitin 2024 dhe u publikua me kohë në faqen e Qeverisë së Republikës së Kosovës. Me këtë rast, i kemi mbajtur dy takime:

Takimi i parë, ka qenë i drejtpërdrejtë në sallën e kuvendit, ku kanë marr pjesë 15 persona; 2 pjesëmarrës kanë parashtruar komente.

Takimi i dytë ka qenë në shkollën e mesme profesionale "Fehmi Agani" Klinë, ku kanë marr pjesë 11 pjesëmarrës dhe 0 komente të regjistruara.

Ajo që ka qenë më e rëndësishme, komentet që i kemi marr online, duke pasur parasysh që udhëzimi ta jep një mundësi me i dorëzuar komentet edhe gjatë takimeve të drejtpërdrejta edhe

me imell, kështu që, i kemi marr disa komente interesante. Një ka qenë nga Vitore Zefi, që ka thënë se, raportet të cilat i dorëzojnë OJQ-të kur t'i marrin subvencionet me qenë të gjithsecilës të publikuara në ueb-faqe. Ndërsa organizata "D PLUS" ka dhënë propozimet e saj.

Raporti është punuar në dhjetor, nëse nuk gaboj në fillim të janarit të vitit 2025, po e kam cekë edhe në seancë, që për shkak të angazhimit, zyra për Informim nuk ka pasur mundësi me i sjell më herët për miratim. Kështu që, janë pjesë e seancës së ardhshme, që do të mbahet me 21 mars nëse s'gabo.

Edhe nga të gjithë kontribuuesit, grupi punues ka regjistruar 15 kërkesa, prej të cilave: 13 janë vonuar; 1 është refuzuar dhe; 1 është pjesërisht e pranuar. Përkthyer në përqindje, janë këto shifra: 6.6% janë pjesërisht të pranuar; 6.6% janë të refuzuara dhe; 6.6% janë të pranuar.

Gjatë këtyre takimeve: 12 prej pjesëmarrësve kanë qenë femra dhe 14 meshkuj, që i bie në total 26 pjesëmarrës. Procesverbalet kanë qenë publike në ueb-faqe, bashkë me këtë raport nga procesi i organizimit të konsultimit publik.

Tunë Deda: Faleminderit, Vlora. Nëse s'ka dikush, kalojmë te pika e katërt.

Komiteti për Politikë dhe Financa, pas shqyrtimit të raportit nga procesi i organizimit të konsultimit publik për rregulloren për transparencë të Komunës së Klinës dhe planin e veprimit për transparencë komunale 2025-2029, me 6 vota PËR, rekomandoi që i njëjti të kalojë për shqyrtim në Kuvend.

Pika 4. Shqyrtimi i planit të veprimit për transparencë 2025-2029 (ref. nga grupi punues).

Vlora Tafili, zyrtare për Informim: Plani i veprimit i paraprin rregullores, që çfarëdo që ka në rregullore, veç është e thjeshtësuar pjesë- pjesë edhe më në detaje në planin e veprimit.

Nëse nuk gabo, planit të veprimit për transparencë i ka dal afati në dhjetor 2024, ndaj jemi obliguar t'i krijojmë planet e reja të veprimit.

Plani i veprimit për transparencë komunale e përfshinë padyshim: Kuvendin si organin më të lartë ligjvënës, Kryetarin, drejtoritë dhe dikasteret tjera që janë me rëndësi.

Ajo çka përfshin plani i veprimit janë këto detaje të veprimit që zakonisht i merr zyra për Informim: Publikimi i njoftimeve, sigurimi i materialeve të hapësirave për pjesëmarrje me publikun, kontakti me përfaqësues të mediave, numri i njoftimeve të shpallura në dy gjuhë zyrtare. Është gjithçka që lidhet me Ligjin për Vetëqeverisjen Lokale dhe propozimin administrativ që teknikisht ju si anëtarë të kuvendit edhe jeni të përfshirë. Pastaj është publikimi i dokumenteve strategjike dhe politikave të kuvendit të komunës, publikimi i planeve hapësinore, plani zhvillimor të komunës i hartave zonale, që janë në kuadër po ashtu të kuvendit, publikimi i raporteve të komunës së kuvendit, publikimi i dokumenteve të prodhuara nga kuvendi, përfshirë procesverbalet e takimeve, komiteteve edhe vendimet e kuvendit, publikimi i video incizimit dhe mbledhjeve të kuvendit të komunës, materialeve të tjera të tel prezencës dhe ligjet përcjellëse. Do të thotë, gjithçka që ka të bëjë me aktivitetet e kuvendit, sa i përket transparencës, duhet të

jetë e qasshme për publikun.

Pra, të gjitha departamentet, përfshirë kryetarin dhe drejtoritë, ndahen bazuar në udhëzimin administrativ dhe obligimet që dalin. Të gjitha duhet të jenë të qasshme për publikun, veçanërisht ato që janë konfidenciale dhe parashihen të jenë pjesë e ueb-faqes. Te pjesa e planit të veprimit është më shumë teori, e ndërsa shtojca e planit të veprimit për transparencë është më teknike, edhe veç e kam quajtur si shtojcë, po është një dokument.

Tunë Deda: Faleminderit, Vlora. Kalojmë te pika e pestë e rendit të ditës.

Komiteti për Politikë dhe Financa, pas shqyrtimit të draft-rregullores për transparencën e Komunës së Klinës, me 6 vota PËR, pa ndonjë vërejtje apo sugjerim, rekomandoi që e njëjta të kalojë për shqyrtim dhe miratim në Kuvend.

5. Shqyrtimi i Draft-Rregullores për transparencë e Komunës së Klinës (ref. nga grupi punues).

Tunë Deda: Prapë referon Vlora Tafili.

Vlora Tafili, zyrtare për Informim: Po, kryesues, planit të veprimit të cilin e prezantova më herët i paraprin draft-rregullorja për transparencë. Draft-rregulloren për transparencë jemi obliguar që ta hartojmë bazuar në Ligjin për Vetëqeverisje Lokale si dhe Udhëzimin për Administratën e komunës, Statusin e komunës edhe kuvendi e nxjerr këtë Rregullore për transparencë. Kjo rregullore përcakton rregullat që sigurojnë transparencë të punës së organeve komunale, kryetarit të komunës, drejtorive, kuvendit si dhe mekanizma të tjerë ligjorë, si dhe rregullave të parimit dhe formave të përfshirjes së qytetarëve, shoqërisë civile dhe grupeve të interesit në procesin e vendimmarrjes edhe në kapituj të ndryshëm të ndarë. E kemi transparencën, siç e përmenda më herët, të kuvendeve, të drejtorive, të kryetarit, të organeve tjera të rëndësishme. Sa i përket mbledhjeve të kuvendit, komuna e Klinës i ka tri transmetime: një me tel prezencë te MAPL-ja; një te radio "Alba" dhe; një te Klina.info. Kështu që, në këtë pikë qëndrojmë mjaft mirë si komunë. I kemi materialet e kuvendit, vendimet janë të gjitha me numër, faleminderit Ahmetit, edhe këto si kuvend kanë qenë mjaftë transparente. Të gjitha vendimet që i ka bërë kuvendi, edhe ato që kanë shkuar për shqyrtim, dhe ato të shfuqizuara janë pjesë e ueb-faqes, dhe monitorohen elektronikisht gjatë mbledhjeve. Të gjitha këto ju i keni, veç keni kaluar nëpër to, po që duhet patjetër me qenë të rregulluara me një dokument. E kemi kapitullin e tretë, transparenca e ekzekutivit: Kryetari i komunës ofron transparencë për vendimmarrjen e tij dhe drejtorive tjera. Kryetari i komunës raporton para kuvendit, ai merr vendim të veçantë, ka të drejtë të përcaktojë rregullat e hapjes së menaxhimit të rrjeteve sociale dhe ato të transmetimit. Dmth, përveç ueb-faqes, komuna e Klinës i ka edhe dy rrjete sociale, e kemi edhe publikimin e dokumenteve zyrtare financiare. Në rregullore dhe në plan të veprimit kemi shkuar shumë shkurt, që mos ta bëjmë dokumentin

më monoton. Përveç këtyre dokumenteve që ju i shihni në nene dhe në kapituj, që obligohemi t'i publikojmë, ka edhe shumë dokumente tjera që zyrtarja kryesore financiare që është pjesë e Drejtorisë së Financave, është mjaftë aktive dhe gjitha dokumentet financiare të rëndësishme me të cilat vlerësohemi dhe monitorohemi i ka në ueb-faqe, përfshirë buxhetin vjetor, e që është e rëndësishme që komuna i ka tri lloje të dokumenteve që i publikon. Duke pasur parasysh edhe rëndësinë e verifikimit të dhënave, p.sh. buxhetin vjetor të komunës e ka në tri formate edhe e ka përcjell në tri gjuhë, dmth word, excel, pdf dhe këtë që miratohet në kuvend. Është transmetuar transparenca tek aktiviteti i prokurimit, po ashtu 100% si komunë jemi te publikimi sa i përket raportit të performancës dhe vlerësimit të publikimit të dokumenteve zyrtare, të cilat dalin nga zyra e prokurimit.

Ju si anëtarë të KPF-së, pasi ende nuk është përcjell në kuvend dhe miratim, në qoftë se keni një kërkesë sa i përket gjitha këtyre dikastereve që i përmenda, diçka që ju intereson ai dokument, që mendoni që nuk është pjesë e ueb-faqes dhe do t'i kontribuonte shumë transparencës. Unë jam e hapur, se për momentin jemi duke e hartuar draftin, dhe komentet nga Komiteti për Politikë dhe Financa do t'i përcjellim pastaj në kuvend.

Tunë Deda: Faleminderit, Vlora. Nëse ka dikush diçka rreth rregullores, kush e dëshiron fjalën? Atëherë, kush është për shqyrtim dhe miratim në Kuvend?

Komiteti për Politikë dhe Financa, pas shqyrtimit të planit të veprimit për transparencë 2025-2029, me 6 vota PËR, pa ndonjë vërejtje apo sugjerim, rekomandoi që i njëjti të kalojë për shqyrtim dhe miratim në Kuvend.

Pika 6. Shqyrtimi i kërkesave të arritura për Komitetin për Politikë dhe Financa për muajt shkurt-mars 2025.

Tunë Deda: Nuk kemi asnjë kërkesë.

Pika 7. Shqyrtimi i propozim-vendimit të Drejtorisë për Urbanizëm dhe Mbrojtje të Mjedisit për shqyrtimin dhe miratimin e raportit të monitorimit të HZK-së 2020-2028.

Tunë Deda: Fjalën e ka drejtori i Urbanizmit, z. Enver Berisha.

Enver Berisha, drejtor i DUMM: Faleminderit, Kryesues. Përshëndetje për ju, anëtarë të KPF-së. Drejtoria e Urbanizmit ka bërë një raport, i cili është me baza ligjore dhe është i obligueshëm në raport që i paraprinë inicimit të procedurave për revidim të hartave zonale. Në qoftë se raporti merret parasysh, atëherë në qoftë se nuk e ka zbatueshmërinë e nevojshme, atëherë duhet të sjellin prapë kërkesën para jush për revidim të hartës zonale. Ky raport i monitorimit është gjendje aktuale e këtij dokumenti se sa është i zbatueshëm ky në

teren. Ne e kemi paraparë se shkalla e zbatueshmërisë është shumë më e vogël me atë çka është menduar në fillim. Dmth harta zonale është dokument i cili kryesisht shërben për kriteret e ndërtimeve dhe zhvillimeve të komunës, e në këtë rast, meqenëse harta është miratuar në vitin 2020 për periudhën deri në 2028, me formë ligjore sipas Udhëzimit Administrativ 24/2015 e ka të obligueshëm revidimin e hartës së saj në qoftë se ka nevojë, por pas 4 viteve dhe njëkohësisht që 4 vite, ne kemi parë se kjo hartë ka pasur shumë ngecje dhe mos zhvillim. Atëherë e kemi monitoruar dhe e kemi bërë një raport ku ka ngecje, me tregues një nga një. Kështu që, ky raport është vetëm me u parë se sa ka ngecje, ndërsa, në qoftë se ky miratohet prej asamblesë dhe do të kërkohet ligjshmëria e tij, atëherë vazhdojmë me procedura tjera të ndryshimit të hartave zonale të revidimit të saj, sepse para mbledhjes së ardhshme do t'ju sjellim materialin të gjithëve dhe me parë materialin ku ka ngecje dhe pse duhet ndryshuar. Faleminderit.

Tunë Deda: Faleminderit, drejtor. Nëse ka dikush rreth raportit? Atëherë, nëse s'ka, kush është për shqyrtim dhe miratim të këtij raporti në Kuvend?

Komiteti për Politikë dhe Financa, pas shqyrtimit të raportit për monitorimin e Hartës Zonale 2020-2028, me 6 vota PËR, pa ndonjë vërejtje apo sugjerim, rekomandoi që i njëjti të kalojë për shqyrtim dhe miratim në Kuvend.

8. Të ndryshme.

Tunë Deda: Atëherë, nëse s'ka ndonjë çështje tjetër për diskutim, po e përfundojmë mbledhjen. Faleminderit shumë për pjesëmarrjen!

**Procesmbajtësja,
Monika Palushi**



**KRYESUESI,
Fadil Gashi**

